

Tudu famílias di prugrama di abrighu familiar di asistênsia di imirjênsia (EA) debi ten virifikasons di informason di rijistu kriminal (CORI).

Kuzé ki é un virifikason CORI?

Un virifikason CORI é un virifikason di stóriu i antisidentis di pasadu. È ta virifika si bu ten rijistus kriminal ô akusazons kriminal pendent na Massachusetts. Dipartamentu di sirvisus di informason di justisa kriminal (DCJIS) é kel ajensia di Massachusetts ki rikolhi i jiri rijistus kriminal.

Kénha ki debi ten un virifikason CORI?

Tudu menbrus di família ku 18 anos ô más ten ki ten un virifikason CORI pa ser ilijível pa EA. Keli ta aplika pa famílias ki sta:

- kandidata pa abrighu familiar EA;
- na lista di kontatus di abrighu familiar EA; i
- atualmenti na abrighu familiar EA.

Pamodi é ki famílias mesti ten virifikasons di CORI?

Un novu lei iziji virifikasons CORI. Nu kré ki abrighu familiar EA ser siguru pa famílias. Un virifikason CORI i partilha bus rijistus kriminal ta manti famílias na abrighu siguru.

Kuzé ki N' mesti pa ten un virifikason CORI?

Pa sina formuláriu di rikunhesimentu di CORI, bu ten ki:

- Intruduzi bu nomi, data di nasimentu i (si dispunível) últimus 6 díjitus di bu númeru di siguransa sosial.
- Da prova di bu identidadi. Más informasons sobri kel asuntu li sta na parti trás di kel folhetu li i online.
- Sina i poi data na formuláriu.

Kuzé ki ta kontisi si N' rikuza ô ka podi fazi un virifikason CORI?

Si bu ka sina formuláriu di rikunhesimentu CORI, bu ta ben negadu ô bu ta ben tradu di abrighu EA. (Djobi di tras pa más informasons).

Prendi más sobri virifikasons CORI na www.mass.gov/applyforea ô na uza kel kódigu QR li:



Kuzé ki N' poti uza komu identifikason pa virifikason di CORI?

Nu ta aseita kualker forma di identifikason imitidu pa guvernu. Keli ta inklui, pur izenplu:

- Un pasaporti imitidu pa kualker país;
- Un dokumentu di identifikason imitidu pa guvernu ku fotografia, sima un karta di konduson;
- Un karton di rizidênsia permanenti di Statu Unidus;
- Un karton di identifikason militar di Statu Unidus;
- Dokumentus tribal nativus amerikanus; i
- Otus formas di dokumentason pirmitidu pa DCJIS

I si N' ka ten serteza si nhas dokumentus di identidadi ta aseitadu?

Si bu ka ten ninhun di formuláriu di identifikason imitidu pa guvernu ki fladu di riba, EOHLC ta analiza otus dokumentus di identidadi ki bu ten na bazi di kazu a kazu pa ditirmina si és poti aseitadu.

Ku kénha ki N' debi fala ku el si N' teni perguntas?



Pidi más informason na bu Homeless Coordinator sobri kal dokumentus ki nu ta aseita. Un Homeless Coordinator é pisoa di stadu ki ta djudau inskrevi na EA. Txoma (866) 584-0653 8 a.m. - 5 p.m. di sigunda ti sexta-fera. Un riprezentanti di call center ta inkaminhou pa bu Homeless Coordinator..

I si N' teni rijistu kriminal ô akuzason kriminal pendent?

Alguns krimis ta poi un pisoa ka ilijivel pa programa EA. És poti negadu abrigu. Na alguns situasons, pisoa poti ser autorizadu pa fika na un abrigu, más poti ten ristrison na undi és ta podu.

Modi ki N' ta sabi si nha ilijibilidadi pa EA é afetadu pa un CORI?

Antis di EOHLC toma mididas pamodi bu rijistu kriminal, nu ta ben flau primeru i nu ta dau el:

- Un avizu di ason adversa (dokumentu ki informa ki nu sta toma mididas);
- Un kópia di bu rijistu CORI; i
- Informason sobri modi ki bu poti pidi DCJIS pa kuriji bu CORI.

